



Bosna i Hercegovina
Federacija Bosne i Hercegovine
Kantonavno tužilaštvo
Kantona Sarajevo

Broj: A- 814/21
Sarajevo, 21.09.2021. godine

Bosna i Hercegovina
Federacija Bosne i Hercegovine
KAN
SARAJEVO

PRIMLJENO:	21-09-2021	broj prijave
01	04	33229-56

N^o 30
38/9

BOSNA I HERCEGOVINA
FEDERACIJA BOSNE I HERCEGOVINE
SKUPŠTINA KANTONA
SARAJEVO

**PREDMET: ODGOVOR NA ZASTUPNIČKA PITANJA,
broj 01-04-33229-8/21 i druga, dostavlja se**

Poštovani zastupnici Skupštine Kantona Sarajevo,

Dana 07.09.2021. godine na 41. sjednici Skupštine Kantona Sarajevo¹, razmatran je Izvještaj o radu Kantonalnog tužilaštva Kantona Sarajevo za 2020. godinu. Izvještaj kao i prethodnih godina nije usvojen.

Tokom izlaganja advokata Ifeta Ferageta kratko sam napustila sjednicu u cilju zaštite integriteta Tužilaštva i jednakosti pravosudne sa ostalim stubovima vlasti u Kantonu, nakon što su mi se pojedini zastupnici obraćali povišenim i naredbodavnim tonom, a predsjedavajući Skupštine propustio da to spriječi.

U cilju tačnog i potpunog informisanja javnosti o našim rezultatima za 2020. godinu, jer je to bio osnov pozivanja glavnog tužioca na skupštinu, obavještavam vas o slijedećem:

- Predmete Memić Dženana, liječenje mlđb. N.S., ubistvo Amara Kapidžića, ne možemo komentarisati jer se radi o otvorenim predmetima.
- Nije pronađen podatak da su se provodile posebne istražne radnje (presretnuti razgovor) koji bi ukazivao na počinjenje krivičnog djela iz oblasti narkokriminala od strane direktora OSA-e.
- Podaci o broju ukupno riješenih predmeta u 2020. godini su slijedeći:
 - prijave po poznatom počiniocu: 3.122 prijava u odnosu na 4.662 lica
 - prijave po NN počiniocu: 3.366
 - optužnice: 834 optužnica u odnosu na 947 lica
 - neprovođenje istrage: 1.861 u odnosu na 3.069 lica
 - obustava istrage: 307 u odnosu na 450 lica
 - vezano za sve KTA (KTAPO, KTAO i KTAK) predmete u kojim je neodredivo krivično djelo ili počinilac, a ukazuje na protupravnu radnju, u toku izvještajnog perioda riješeno: 3.759 predmeta**dakle, u 2020. godini ukupno je riješeno 13.249 predmeta²**

¹ Čl. 28. stav 5. Zakona o izmjenama i dopunama Zakona o KTKS („Službene novine Kantona Sarajevo“ broj 30/08) propisano je da se izvještaj o radu KTKS Skupština razmatra najkasnije do 31.marta tekuće godine

² Čl. 70. Pravilnika o TCMS u tužilaštvima su definisane oznake krivičnih predmeta u tužilaštvima (KT, KTK, KTPO, KTA, KTRZ i dr.)

- U izvještajnom periodu zastara je nastupila u 52 predmeta protiv poznatih počinitelja, od čega su u 31 slučaju razlozi objektivne prirode i o tome su obavješteni organi koji vrše nadzor nad našim radom. U 9 predmeta odluka o zastarjelosti je donesena djelimično u odnosu na pojedino krivično djelo i počinioca, pa je u tih 9 predmeta odluka donesena i iz drugih razloga (ne postoje osnovi sumnje da je prijavljeni počinio krivično djelo, prijavljeno djelo nije krivično djelo, nema dovoljno dokaza da je osumnjičeni počinio krivično djelo, podignuta optužnica, i dr.). U ovu računnicu nisu uključeni predmeti po nepoznatom počiniocu, koji se redovno, u skladu sa Zakonom, okončavaju zbog zastare krivičnog gonjenja osim ukoliko se do isteka zakonskih rokova ne otkrije počinitelj.
- U vezi rada Odjela za privredni kriminal i korupciju podsjećam da je od 37 podignutih optužnica u izvještajnom periodu 1 podignuta zbog krivičnog djela organizovani kriminal u vezi krivičnog djela zloupotreba položaja ili ovlaštenja i dr., 8 optužnica je podignuto zbog krivičnog djela zloupotreba položaja ili ovlasti, 3 za krivično djelo pronevjera u službi, 2 zbog zloupotrebe ovlasti u privrednom poslovanju, 3 zbog nedozvoljene trgovine, 4 zbog krivičnog djela obmana pri dobijanju kredita ili drugih pogodnosti, 4 za poreznu utaju, 7 davanje dara i drugih oblika koristi, 1 nesavjestan rad u službi, i dr. Putem naše web stranice možete pronaći više podataka o optuženim licima i činjeničnim i pravnim navodima optužnica. Ovdje ću spomenuti samo provedenu akciju "Dar", "Profit", "Hasan Hodžić" za krivično djelo primanje dara, te optužnice protiv bivših ministara Desnice Radivojević, Ante Krajina i Muharema Fišo zbog krivičnog djela zloupotrebe položaja ili ovlasti. Doneseno je 12 pravosnažnih presuda u kojim je oduzeta imovinska korist pribavljena krivičnim djelom, a samo u predmetu osuđenih Bijelić Hasib i drugi, koji su oglašeni krivim za krivično djelo organizovani kriminal u vezi sa krivičnim djelom porezne utaje i pranje novca, isti su osuđeni na ukupno 26, 5 godina kazne zatvora, od optuženih je oduzeta imovinska korist pribavljena krivičnim djelom u ukupnoj vrijednosti od oko 14 miliona KM, koja imovina postaje vlasništvo, odnosno imovina Federacije BiH³. U predmetima „Zadruga“ Alija Gadžo i Ejub Fako oglašeni su krivim i osuđeni na kaznu zatvora u trajanju od po jedne godine zbog krivičnog djela zloupotreba položaja ili ovlaštenja. Oduzeto im je više od pola miliona maraka koji su prethodno uplaćeni na račun Agencije za upravljanje oduzetom imovinom FBiH. U drugom povezanom predmetu "Zadruga" oduzeto je 28.000,00 KM i izrečene su zatvorske kazne.

³ od optuženog B.H. u ukupnoj nominalnoj vrijednosti od 8.433.260,69 KM, i to novčana sredstava u bankama u iznosu od 679.234,71 KM, udio u otvorenom investicijskom fondu, ukupne vrijednosti 705.171,60 KM, osnivački kapital društva „UMAX GROUP“ d.o.o. Sarajevo, koji iznosi 2.870.167,08 KM, od čega je 2.000,00 KM u novcu i 2.868.167,08 KM u stvarima – nekretninama (benzinska pumpa ukupne površine 143 m², poslovni objekat ukupne površine 72 m² i ekonomsko dvorište ukupne površine 1439 m², porodične stambene zgrade sa poslovnim prostorom površine 131 m², dvorišta površine 513 m², livada ukupne površine 74 m², oranica ukupne površine 283 m²), kao i ½ nekretnine u ulici Avdage Šahinagića 1, opština Stari Grad, Sarajevo, nekretnine kuća i zemljište smješteni u naselju Hotonj, Vogošća, ukupne površine 481 m², nekretnine zemljišne parcele, površine 625 m² i 593 m², općina Trebinje, nekretnine - dva stana u Vogošći površine 47,26 m² i 78,65 m², motorno vozilo marke BMW X6, namještaj, te sistem za solarno grijanje.

Od optuženog Š.E. u ukupnoj vrijednosti od 5.415.549,47 KM, i to novčana sredstva u bankama u iznosu od 367.590,96 KM, udio u otvorenom Investicijskom fondu ukupne vrijednosti 109.913,39 KM, osnivački kapital društva „EMIRAN“ d.o.o. Sarajevo, koji iznosi 3.299.696,00 KM, od čega je 2.000,00 KM u novcu i 3.297.696,00 KM u stvarima – nekretninama (hotel), osnivački kapital društva „EMIRAN STUDENTSKI DOM – Univerzitetski hotel“ d.o.o. Sarajevo, koji iznosi 2.000,00 KM, ½ nekretnine u ulici Avdage Šahinagića 1, opština Stari Grad, Sarajevo, nekretnina - zemljišne parcele površine 657 m² i 660 m², općina Trebinje, nekretnina dvoetažni stan, ukupne površine 113,16 m², i parking mjesta površine 11,85 m², općina Stari Grad.

U predmetu JP Željeznice FBiH izrečena je prvostepena osuđujuća presuda protiv bivše Uprave i izrečene zatvorske kazne i novčana kazna pravnoj osobi u iznosu od 2,5 mil. KM. Zatim su zbog zloupotrebe položaja osuđeni direktor FDS-a Edin Mulahasanović i Nurkić Hasan.

- Vezano za oblast procesuiranja ratnih zločina podsjećamo da Kantonalno tužilaštvo Sarajevo od svog osnivanja učestvuje u procesuiranju predmeta ratnog zločina, a da kod nadležnog Kantonalnog suda u Sarajevu postoje podaci o pravosnažno okončanim predmetima. Naši rezultati u radu na ovim predmetima posljednjih godina (2019-2021.) uvjetovani su Revidiranom strategijom o ratnim zločinima, mjesnom i stvarnom nadležnošću, dostupnošću osumnjičenih, te dinamikom oglašavanja Suda i Tužilaštva BiH nenadležnim za procesuiranje. Naime, od 2004. godine Tužilaštvo KS nije nadležno za primanje novih prijava u predmetima ratnih zločina, već isključivo postupa u predmetima koji su do tada zaprimljeni, kao i u predmetima koji se rješenjem Suda BiH a nakon prijedloga Tužilaštva BiH, ustupe na nadležno postupanje. Navedeno nas onemogućava u proaktivnom istraživanju i radu na novim predmetima, osim na onim koji nam se ustupaju sa državnog nivoa, a to su mahom predmeti protiv nepoznatih počinitelja, gdje je neizvjesna identifikacija osumnjičenih i optuženje. Trenutno je u ovom tužilaštvu aktivno 9 predmeta ratnog zločina u fazi istrage sa preko 40 osumnjičenih osoba, koji su označeni kao prioritet u radu. U četiri od 9 predmeta aktivna je međunarodna potjernica za osumnjičenim osobama, među kojima i lica koja su od Haškog tribunala dobila oznaku „A“, te se intenzivno radi na poduzimanju radnji u cilju njihovog pronalaska ili eventualnog ustupanja krivičnog gonjenja. Pri tome se ukazuje na objektivnu okolnost da je dio osumnjičenih prema saznanjima u bjekstvu u R. Crnoj Gori, a dio je pobjegao u R. Srbiju, što iziskuje prikupljanje dokaza putem međunarodne pravne pomoći. U preostalim predmetima, gdje nema procesnih smetnji za rad tj. gdje su osumnjičeni dostupni, u skladu sa našim planovima rada, provode se provjere, te se očekuje donošenje tužilačkih odluka u narednom periodu. Na predmetima ratnih zločina rade dva tužioca, stručni saradnik i daktilograf. Tužioci Odjela za ratne zločine pored rada na dodijeljenim predmetima ratnog zločina, kao i poslova koji su vezani za ovaj referat, rade i na predmetima općeg kriminala, rukovode i organizuju provođenje reekshumacija, reasocijacija i komadne identifikacije posmrtnih ostataka žrtava ratnog zločina, kao i predaju tijela porodicima ošteđenih radi ukopa, pri čemu ostvaruju intenzivnu saradnju sa udruženjima žrtava proteklog rata u BiH, Institutom za nestale osobe BiH i vještacima za sudsku medicinu. U ovom procesu svakodnevno se vrši komunikacija i dostava relevantne dokumentacije kako Tužilaštvu BiH, tako i drugim organima i institucijama. Pored ovog zabilježen je i trend većeg broja izvršenih pogrešnih identifikacija klasičnom metodom identifikacije, uslijed čega je bilo potrebno od strane postupajućih tužilaca obezbjediti uslove i provesti proces reekshumacije, ponovne identifikacije, reobdukcije i zamjene pronađenih posmrtnih ostataka. U izvještajnom periodu nije bilo optužnica jer nije bilo predmeta protiv dostupnih osumnjičenih u kojim je istraga rezultirala dovoljnim brojem dokaza za osnovanu sumnju u počinjenje krivičnih djela, te su istrage i prijave riješavane obustavom i neprovođenjem istrage. Nadzor nad radom u predmetima ratnih zločina vrši Federalno tužilaštvo kao i Stalna komisija VSTV, te prema objektivnim pokazateljima, postigli smo dobar procenat ostvarenja tog plana za 2021. godinu U toku 2021. godine, ukupno je zaprimljen 41 predmet ratnog zločina, od čega 2 KTARZ, 35 KTNRZ i 4 KTRZ. Slučajevi koji se vode pred Kantonalnim sudom u Sarajevu:

1. T09 0 KTRZ 0097808 16- Divjan Mustafa i dr. – ponovljeno suđenje u toku- čl. 142. stav 1. preuzetog KZ SFRJ

2. T09 0 KTRZ 0016395 05- Papić Veljko – prvostepena osuđujuća presuda, postupak po žalbi u toku - čl. 142. stav 1. preuzetog KZ SFRJ
 3. T09 0 KTRZ 0097619 16- Petković Dragan- optuženi u bijegu - čl. 142. stav 1. preuzetog KZ SFRJ
 4. T09 0 KTRZ 0016364 02- Bogdanović i dr. – potvrđena presuda Vrhovnog suda Federacije Bosne i Hercegovine- čl. 142. stav 1. preuzetog KZ SFRJ
 5. T09 0 KTRZ 0091270 15 - Bejtović Samir - ponovljeno suđenje u toku - čl. 142. stav 1. preuzetog KZ SFRJ
 6. T09 0 KTRZ 0021721 11 - Čečo Ibrahim – glavni pretres u toku - za krivično djelo ratni zločin protiv civilnog stanovništva iz člana 173. stav 1. tač. c) i e) KZ BiH
 7. T09 0 KTRZ 0098358 16 - Janković Rajko – žalba- čl. 142. stav 1. preuzetog KZ SFRJ
- Vežano za rezultate u domenu narkokriminala ukazujem na podatak iz izvještaja da je u prošloj godini zaprimljeno 36 predmeta zbog krivičnog djela neovlaštena proizvodnja i stavljanje u promet opojnih droga, podignuto 19 optužnica protiv 22 lica, te je doneseno 27 osuđujućih presuda i 1 oslobađajuća. Zbog krivičnog djela posjedovanje i omogućavanje uživanja opojne droge zaprimljeno je 418 prijava, podignuto je 366 optužnica. U 4 predmeta pravomoćno je oduzeta imovinska korist, a u jednom nepravomoćno. Ovi rezultati su unapređeni u 2021. godini i rezultirali su akcijama, zapljenom i hapšenjima više desetina lica.

Na kraju, pozivam Vas da u skladu sa ustavnim načelom nezavisnosti i nepristrasnosti tužilačke funkcije i trodiobe vlasti, preispitate noviju praksu donošenja zaključaka vežano za rad tužilaštva u pojedinim predmetima, te da svoja saznanja o kriminalu i počinioćima, u skladu sa zakonom, prijavite nadležnim organima.

